

甘宁青史略

甘肅通志

甘肅青史略卷十一

宋哲宗紹聖

丁丑四年

遼壽隆三年夏
天祐民安七年

春三月西上關門副使苗履

事公

知渭州章棻築城於好水河之陰夏人出兵爭之大敗城成名

平夏

蘆河川據形勝以逼夏帝許之乃以三月及熙河秦鳳環慶四路之師
十所自示其怯或以資怯請曰此夏人必爭之地夏方營石門峽去我三十里
之乎深又陽謝之陰具版築守戰之備帥四路之師出劫蘆河川築二城於石門峽江口
好水河之陰夏人聞之帥衆來爭棻令姚雄部熙河兵策應與夏人鏖鬪流矢注肩戰案
厲夏師引卻追躡大破之斬首三千級俘虜數萬先五日折可適敗於沒煙峽士氣方沮
雄賈勇得雋諸道始得併力二旬有二日城成賜名平夏既而環慶慶延河東熙河皆相
繼築城進拓其境夏人聘棻不敢動宰相章惇因請絕夏人歲
賜而命沿邊諸路相繼築城守要害以進拓境土凡五十餘所

案水經註石門水導源高平縣石門峽江口在固原州北今海源縣東北一百一十里即
印字山之中障凡固原以北各水均至峽口匯為一流入清水河宋時鑿峽口以通流或
謂峽即隴山北陔故謂之石門口其地上穿石壁下臨河流九泥塞之東道不通天險也
餘見此卷後崇寧三年冬十月夏人圍平夏城注好水河即好水川見第八卷慶歷元年

春二月元昊
犯渭州注

于闐黑汗王攻夏甘沙肅三州

于闐夙與西夏最睦後有隙元祐八年春二月上表請討夏國帝不許至是黑汗王遣其子以聞詔厚答其意

夏四月夏人爭靈平會敗走

知渭州章窳以夏兵猖獗議守涇原之靈平會命鍾傅與部將苗履統衆城之梁氏遣兵力爭傅將步騎二萬出不

意造河梁濟師作金城關扼其險要夏兵遂敗

案通鑑長編是月甲午涇原路經略司言同統制折可適中有西賊一千餘騎與伏雲路募化人馬鬥敵即時將帶前軍救應追捉到沒煙峽接戰至午時退績據苗履言差熙河

馬軍照應折可適等行七八十里遇西賊接戰間伏兵起隔斷擁入溝澗除漢番兵外有同統領岷州蕃兵供備庫副使張德等未知存亡詔折可適令涇原路經略司疾速取勦

仍先具的實傷折亡失人馬數目又是日西賊十餘萬衆寇涇原所築新城王文振馬仲良等擊之

四月壬寅環慶鈐轄張存入夏鹽州

存率兵入夏界至三角川遣銳卒攻破鹽州俘戮甚衆及還夏人追襲之存上高原平少憩夏

兵縱火四面攻擊殺蕃官承制趙宗銳等復取鹽州

六月熙河路築城青石峽成名西平

夏人以我軍置壁壘於要地遣使入告於遼

案隋志允吾縣有青巖山方輿紀要謂在蘭州西北今考皋蘭縣西北黃河兩岸為隋允吾縣地青石山北臨河濱應即此山又晉書載記乞伏乾歸為呂光弟寶所攻敗於鳴雀峽退屯青岸寶進師濟河敗死鳴雀峽青岸皆在河南應為青石峽及青石嶺青石山青石嶺一帶地皋蘭縣新志青石峽在縣西八十里今名青石關

秋八月築威戎城

威戎城宋屬德順軍在今靜甯縣西南四十里金升為縣後廢今為鎮

熙河將王愬取西夏宥州

自張靖兵還梁氏復取宥州繼延經略使呂惠卿命諸路出兵討愬率兵抵宥州夏洪宥韋三州都統軍賀浪囉率眾

赴援愬擊敗之追奔二十里遂入宥州焚官署倉獄行宮并文籍簿書

募壽祺曰地方之有倉庫皆民膏民脂所積而成我變之後來者必復修之糧不足仍取於民間器所需仍購以公款古有封府庫倉廩以貽敵人者矣王愬所為與北涼酒泉太守沮渠宜得等

雖勇奚足貴哉

夏人謀犯涇原詔經略司準備應敵

是月己酉樞密院言西賊點某人馬往涇原作過竊慮西賊暗蓄姦謀掩我不備長驅入近裏

於隆德靜邊治平塞以來人煙繁富地分或閑慢城寨備禦不至之處劫掠攻打詔涇原路經略司詳上項事理多方預行講議措置若遇緩急賊馬奔衝深入近裏合差是何將佐如何移那兵馬於是何要害地分挖扼得賊馬來路準備捍禦不使近裏城寨及人民繁富地分為所抄略攻打落賊姦便仍不時與大兵首尾照應會兵掩殺賊眾必取全勝

先具已如何講議措置選充統領兵將官職位姓名及將帶若干人馬於甚處駐劄及應于準備應敵方略施行次第聞奏

九月董官妹納僧哥

一作穆納僧格內附 妹納僧哥為西夏帶牌天使聞中國敕榜招諭遂來奔授禮賓副使充蘭州都落子巡檢

冬十一月熙秦軍破白草原抵天都山無所得而回

中國屢行討蕩夏國天都山屬蕃盡將牛羊窖粟預行遠

徙時熙秦兩路兵四萬騎出塞將至到子山夏監軍司以十萬騎陣白草原拒戰不勝拔營西走兩路軍直入天都監軍司所搜挖無所得軍士糧竭飢死者半乃回

戊寅元符元年

遼壽隆四年夏天佑民安八年

春二月知蘭州王舜臣築興平城

旋討夏人於塞外

夏人犯大定城

大定屬蘭州與夏國分界處梁氏兵屯界上肆行抄掠聞蘭州知州王舜臣兵出金城關乃退還舜臣追至右廂監軍司地夏兵返戰不克帶牌天

使數名皆死

三月築熙河通會關

是月辛亥樞密院言涇原經略司奏被旨差發將兵進築城寨探得西界點集在近邊盤泊慮搗虛深入作過已選將分布照管邊

面乞候師還照管得地分無虞許本司量功大小比類出塞進築官員使臣軍兵奏乞等第推恩從之

案靖遠縣志會甯關在縣西兩一百二十里烏蘭山上舊名顯耳關宋元符元年建初名通會後改會甯金大定八年改名會安今稱烏蘭關烏蘭山名南接空同東連屈吳唐置

烏蘭縣

於此

邊將郭成擊破夏人於漫噶隘

至城下有夏將乘白馬馳突陣前大將劉昌祚曰誰能取此者成躍馬梟其首以去

夏四月涇原官軍襲夏

涇原兵三次襲夏羊馬被掠萬衆至是統制官孫文將九千騎出沒煙峽直抵屯兵所斬級獲孳畜而退

西夏大首領嵬名藥默內附

藥默乾順統族領會州一帶蕃部是時由照河路內歸中國令補西頭供俸官兼本族巡檢

蕃部喝強山訛心一作惡森入降

二人乃監軍妹勒都通親隨由涇原入降俱授左班殿直強山言夏國欲以今秋併兵寇一路不攻城若但覓便深

入殺掠人戶經略司以聞沿邊人戶因官軍連次討擊並於大沙堆建柵聚族自保時聞延路以順甯之圍遣鈐轄苗履統諸將出塞攻夏州梁氏恐官兵焚蕩大沙堆蕃族遺嵬

名乞勒那哆陵丁駐兵南面防護苗履揮衆奮擊乞勒等大敗喪失萬計退走五十里

六月丙戌遣官分詣鄜延涇原河東熙河按驗所築城砦

夏遣使求援於遼

秋七月夏人以兵入涇原

夏國母梁氏以中國築沒煙前後兩峽控扼天都形勢於是編攔人馬出沒隆德砦九羊谷又於糧溝段大道掘濠作壘

縱游騎侵殺邊鋪戍卒守將折可適同蕃官慕化率兵伺懈出擊方止未幾又掠熙河平西皆擄熟戶二十餘

欲進築天部取與靈不果行

涇原既築汲煙前後峽城若去天都咫尺章惇欲乘勢進築舉與靈知渭州章惇以為未可曾布因對三省為帝言

邊事累年未了今涇原已逼天都勢不可已然今秋見西人舉動即可以知其強弱若果困敵有可以滅亡之理亦須年歲間保為殄滅之計若西人未有殄滅之勢年歲間可未殄滅亦須隨宜收斂休兵息民以圖安靜今諸路進築城寨所據羌人地土已多其勢固已窮蹙若容其納款必無不向順若分畫疆界在我則西人亦不敢不聽要之動息皆須在年歲間了當則可若一向貪嗜不已恐所憂不在西戎也

八月內子朔熙河蘭岷路復為熙河蘭會路

九月詔備涇原

涇原路落蕃兵士歸報夏人點集百五十萬欲入漢界十程打劫諸路降羌及俘虜皆言羌人大點集決趨涇原詔章惇多方措置備禦以嘗遣

曾布言敵不來則已來必墮吾策中布亦謂經營已久宜其無所不備也

冬十月夏主乾順與其母梁氏自將攻平夏城邊將郭成禦卻之

渭州之地數百里而平夏處其

中平夏在鎮戎軍石門峽好水河之陰舊名石門城後升為懷德軍鎮戎所轄城者多在今固原縣境此其一也初涇原經略使章惇謂諸將曰新邊控扼誰可付者皆曰非郭成不可遂辟成為第十一將以成平夏西人自失地之後朝夕憤恚常曰唱歌作樂固地都彼漢家占卻又云奪我飯碗至是以兵號三十萬犯塞國主與其母自將攻平夏城自己

卯至壬辰晝夜疾攻成等城守益堅夏人乃造高車以臨城載數百人填壕而進俄有大風震折夏人一夕遁去夏主毋慚憤磅面而還是月庚子詔陝西河東勿以西賊遁去便弛邊備須過為捍禦緩急關誤重行典憲

十二月章察遣其將郭成折可適擒西夏統軍寇名阿理監軍妹勒都通

二人皆勇

悍善戰屢為邊患帝密詔圖之察知其虛可襲會二酋以放牧為名窺伺境上遣可適等間以輕騎二千銜枚捷走出盪羌六道分進敵不及知夜入其室執之盡得其家屬俘賊三千餘人獲牛羊不啻十萬種羌震懼計其地即天都山也可適因請以秋葦川為若南牟為州詔名若曰臨羌州曰西安而以可適知州事會布曰帝此非常之功可賀帝曰可賀否布曰鬼章亦賀及告陵廟此功不在鬼章下惇等皆曰此奇功也捷至帝御紫宸殿受百官賀察在涇原四年凡創州一城若九薦拔溫綽不問廝役至於夏降人折可適李

忠傑朱智用咸受其馭自平夏之敗西夏不復能軍邊功遂為西方最

案郭成今靜甯縣中安堡人也姿貌豐偉襟度坦然撫養孤寡疎財好施名振西土初應募為弓箭手累級補都指揮使從征河州踏白城元豐中隨五路兵趨靈武有功平夏之被圍也成請機應變已而援兵大集升統制成乃與折可適議曰賊新敗銳若乘勢深入可以大獲帥以萬騎付之分道而進即帳中擒其大酋名阿理妹勒都通以功遷引進使雄州防禦使涇原路鈐轄轉客省使卒年五十六子浩今會甯有郭成驛始其駐兵處也

幕壽祺曰自古未有內無輿援而大將能成功於外者章竊平夏之捷智勇實兼全矣然非章惇與之同宗平時言多見采恐摧敵未必如此其易也後數十年而岳忠武起其才十倍章竊朱仙之捷方欲垂手以取燕雲而權臣掣肘於內收拾河山其可得乎

夏人潛師入涇原犯乾輿天聖等峒 梁氏既解平夏國人馬仍在涇原近邊盤泊見官軍盡屯葫蘆河知聲勢不相應潛遣精銳入

鎮戎軍掩至二砦焚掠甫二日聞援軍至走回天大雪人馬僵凍過半

乙卯二年 遼壽隆五年夏永安元年 春正月熙河蘭會路經略使孫路請修蘭州西喀羅川口古

浮橋及橋北一城 詔體遠邊情斟酌勢力保明以聞

詔以青唐爲鄯州隴右節度邈川爲湟州 進王厚爲上閣門副使統兵知湟州

案厚字處道前熙河宣撫使王韶子也少從父兵間暢曉番情留心邊事官累通直郎哲宗元祐中棄河湟厚上疏陳不可上不聽紹聖中會羌酋瞎征等國王瞻與厚同獻議復故地元符元年六月師出塞七月下邈川降瞎征九月次青唐隨擢出迎遂定湟郡詔賜龍擢姓名趙懷德進厚東上閣門副使知湟州舊爲碾伯縣今改樂都宋唃廝囉所

居之 邈川

詔以王厚爲上閣門副使統兵知湟州

二月築環慶路定邊城

夏五月建西安州及天都等砦

蘭州本漢金城郡地為極邊恃河為固每歲河冰合必嚴兵以備蘭州錄事參軍張叔夜曰此非計也不求要

地守之而使敵迫河則吾既殆矣有地曰天都者介於五路之閒乃夏人嘯聚之區凡欲聚兵以犯諸路則必就彼點集然後議其所向以故每一聚兵則五路不得安枕此當今之所宜先書再上樞密行其策果得其地乃建為西安州自是夏人不敢窺蘭州

西夏蘭會正鈐轄革瓦孃

長編作格轄雷以部落內附授官賜銀絹綉錦

六月築定邊白豹城

案慶陽府安化縣志定邊城在縣北三十里宋元符二年築後改為軍城和六年置定邊縣為倚郭金為恭屬環州皇統六年金主以賜夏人明時有官軍及巡檢司守禦白豹城舊屬西夏界在大順城北四十五里與定邊城相近

秋七月知環州种朴獲夏國監軍訛勃囉

朴檄赤羊川獲賞羅訛乞家百五十餘口孳畜五千夏人千餘騎往追朴戰卻之擒

監軍訛勃囉及首領淚丁訛遇朴送訛乞等家屬至京帝存恤之旋遣人持其家屬信號來招訛乞三人

洮西安撫使王瞻取吐蕃邈川青唐降其酋轄戩

初額爾古死子轄戩嗣性嗜殺部曲睽貳大酋星摩沁占之屬

有異志忌轄戩季父蘇南黨征雄勇多智共誣其謀亂轄戩不能察殺之盡誅其黨獨沁魯克節逃奔希卜溫奉其長子表怎據溪哥城轄戩攻殺表怎沁魯克節奔河州說知州王瞻以取青唐之策瞻言於朝章惇許之至是瞻引兵趨邈川守者以城降瞻留兵屯之轄戩自知其下多叛乃脫身自青唐降於瞻詔胡宗回帥熙河以節制之於是遂城會州未幾星摩沁占迎希卜溫入青唐立木征之子隆咱爾為主其勢復張宗回督瞻進師瞻急攻隆咱爾及星摩沁占等皆出降遂入據其城癸巳轄征降已未青唐酋隨撝亦以城降詔以青唐為鄯州邈川為滄州

八月取夏會州

元豐中雖加蘭會與熙河為一路而會州實未復至是始取會州城之以西安城北六砦隸焉

熙河軍入夏界殺其首領仁多洗忠

洗忠仁多保忠弟熙河遺硬探人入界洗忠挺身鬪被殺夏衆出援奪其尸而回

夏遣兵攻南宗堡邊將擊退之

是年七月間夏人毀我壽延新修堡子至是又圍南宗初西蕃阿里骨死其子瞎征殘暴嗜殺部曲離貳洮州

安撫使王瞻率兵取其地瞎征衆潰遂自青唐入降大酋心牟欽能與董氈妻契丹公主阿里骨妻夏國公主迎董氈疎族溪巴溫入青唐立其子攏撝為主假夏國公主書請援乾順遣兵五千餘人攻南宗堡王瞻以熙河蕃兵擊之乃退

閏九月夏統軍仁多保忠率兵助西蕃圍湟州不克

王瞻擊降隴拶以邈川為湟州青唐為鄯州二城距輿靈

止二百里南有講珠羅囉二城與湟州北阿訛城相接羌酋心牟欽氈籤羅結聚數千人圍湟州遣使數輩乞師於夏乾順使保忠及達摩等二監軍兵十萬助之先斷炳靈寺橋燒星章峽棧道四面急攻分兵破南宗堡獲守將劉文珪賜至城濠謂總管王愍曰吾所欲城與地耳弟以城歸我當舍汝愍謂文珪曰為吾語夏人天子俾吾守城能殺我城可得也攻圍十六日愍守益堅保忠令於南城積薪數萬將焚門會諸將苗履姚雄李忠傑各率所部赴援戰於青唐晚煙塵互天夏人不知多少惶遽渡湟水還鈴轄崑名曠遇被獲

熙河蘭會路經略使胡宗回修阿密阿特城

奏言臣近謹聞得蘭州西關堡近西地名巴珍旺相近可以繫橋通路兼可於

宗河行船漕運直入邈川其宗河口東岸近北舊有邈川管轄阿密阿特城迺西蕃舊防守夏國該誅卓羅等城去處今城見全備略行修築安置樓櫓可以守禦從之阿密阿特

城在今皋蘭縣西北

冬十月詔保安軍隴宥州無得犯青唐界

是歲夏國衙頭首領鄂特丹卓勒瑪於蘭州喀羅城差蕃部尙錦等齎送蕃字

欲歸漢 喀羅城以喀羅川名今皋蘭縣西北
張家河口即其地也一作斫龍城

案是年宋熙河蘭會經略使孫路言蘭州之西喀羅川口有古浮橋舊基自喀羅川北至
濟桑約三百里間有古城十餘所自濟桑以北則入甘涼諸郡即漢武帝斷匈奴右臂遺
蹟據此喀羅川口即莊浪河入黃河處今名張家河口循莊浪河而北至平番縣為赴甘
涼大道其地唐時屬廣武縣孫路所言古浮橋當即此梁渡黃河而南為新城之老古城
宋時為伽羅總堡一名乳洛宗堡蓋亦因喀羅
川得名喀羅又作斫龍與伽羅音音之轉

庚辰三年 遼壽隆六年 春正月西蕃以南宗堡附夏不受
南宗北控夏國南接星章峽
西連宗哥城形勢天險自籤

羅結叛諸堡殘破及官軍出羌衆潰散諸城咸即歸順獨南宗負固不
下姚雄苗履屢攻不克羌人請附夏國乾順不受惟假兵數百成之

三月吐蕃復叛詔棄鄯州界之 王瞻留鄯州縱所部剽掠羌衆攜武星摩等結諸族
謀反瞻擊破之瞻又諷諸羌酋籍勝兵者皆涅其臂

無應者沁魯克節請歸帥本路為倡瞻聽之去遂聚數千人圍遼川夏衆十萬助之城中
危甚苗履姚雄帥所部兵來援團始解因棄青唐而還希卜溫與其子希卜薩羅桑據
之羣羌復合兵攻遼川王厚亦不能支朝議請並棄遼川且謂陰咱爾乃木征之子遂命
知鄯州陽姓名曰趙懷德其弟彭布鄂特丹幹曰懷義同知遼州加轄畿懷遠軍節度使
案宋史瞻留遼川縱所部剽劫羌衆攜武星摩等結諸族帳謀反瞻擊破之悉捕斬城中
羌積尸如山初瞻又諷諸羌酋籍勝兵者皆涅其臂無應者沁羅克節請歸帥本路為倡

瞻聽之去遂嘯聚數千人圍遂川夏人十萬衆助之城中危甚苗履姚雄帥所部兵來援圍始解瞻因棄唐而還實巴克奧其子希斯羅斯據之羣羌復合兵攻邈川王厚亦不能支朝論請並棄邈川且謂隆贊乃碼爾戩子之遂命爲河西軍節度使知邈州賜姓名曰趙懷德其弟巴爾不勒鄂丹幹曰懷義爲鄜州團練使知湟州所譯蕃酋姓名與通鑑微有不同瞻破叛羌後多悉捕斬城中羌積級如山二語瞻又諷諸羌句上加一初字似宋史較爲詳明附錄於後以備參攷至希斯羅斯他本作豁除羅撒巴爾不勒鄂丹幹他本作邦辟勿丁瓦

案史哲宗名煦神宗子在位十五年改元三曰元祐曰詔聖曰元符以元符三年正月崩端王佶卽位太后權同聽政是爲徽宗

徽宗 辛巳建中靖國元年

遼壽隆七年 夏永安二年

是歲夏國始立國學

自元吳創建蕃學國中由蕃學進者諸州多至數百

人而漢學日壞士皆尙氣矜鮮廉恥甘羅文網乾順患之御史中丞薛元禮上言士人之行莫大乎孝廉經國之謀莫重於儒學昔元魏開基周齊繼統無不尊行儒教崇尚詩書蓋西北之遺風不可以立教化也景宗以神武建號製蕃字以爲程文立蕃學以造人士緣時正需才故就其所長以收其用今承平日久而士不興行良由文教不明漢學不重則民樂貪頑之習士無砥礪之心董子所謂不素養士而欲求賢譬猶不琢玉而求文采也可得乎於是乾順命於蕃學外特建國學置教授弟子員三百立養賢務以廩食之

崇甯元年

遼天祐乾統二年 夏貞觀元年

春二月夏人與河西軍節度使趙懷德結婚

懷德卽擴移中

國以羌人久亂王瞻等不能定議棄鄯州賜楊撝姓名曰趙懷德授河西軍節度使其弟邦祥勿丁賦曰懷義同知鄯州二州事乾順見西蕃恢復故土重申姻好以宗室女妻懷德

建設懷戎堡以通古會州

初邊將承朝曾築打繩川堡打繩川一名大麻川即今靖遠縣所屬之打拉池也時熙河帥姚雄駐兵會州應副錢糧運

使吳安憲統制官熙河都補德劉成涇原喬松秦鳳劉德西築水泉正川二堡通古會州三月初畢功易打繩名懷戎隸會州

秋八月夏人築沿邊堡營

西夏素少城砦乾順仿中國制於東北沿邊多樹砦棚鄰延路以聞朝議率兵牽制知秦州何常爭之兵不出

冬十月夏淚丁訛遇自環州還

初訛勃囉擒以信號與种朴令招其家人及其所部并諭訛遇降訛遇不可囚之土室中三年至是路守者得

脫還乾順嘉其不屈擢為監軍使使守赤羊川

癸未二年 遼乾統二年 春二月夏人建臥佛寺於甘州

乾順自母梁氏卒輒供佛為母祈福甘州信淨於張掖縣西

南甘浚山下夜望有光掘之得古佛三皆臥像也獻於乾順乾順令建寺供之賜額臥佛

三月羌人圍鄯州河西軍節度使趙懷德請援於夏

羌人多羅巴奉囑賄裔溪除羅撒謀殺懷德以復國舉

數萬衆圍鄆州懷德遣使至夏國請兵乾順遣仁多保忠帥兵援之兵未至多羅巴三子皆善戰懷德力不支棄州奔河南

詔童貫監洮西軍

童貫開封人也始出李憲之門性巧媚自給事宮掖善測人主意元符末徽宗置局於錢塘且訪求古法書圖畫之屬貫以內供奉主之

蔡京方請居與之遊京有能書名自書屏障扇帶階貫以進逾年入為尚書左丞京德其輔已既相始開邊議收復青唐起王厚為經略使合諸道兵十萬用李憲故事命貫為監軍

幕壽祺曰自古用兵甘肅者必內有人焉而後可以或功王詔收復黑河王安石主之童貫入洮州陝西蔡京主之若毫無憑藉而欲開拓疆土難矣哉

詔知河州王厚權管句黑河蘭會路經略司職事

初哲宗末以厚知湟州既而他種

州不可守乃以昇趙懷德而貶厚賀州別駕徽宗崇甯初蔡京開邊還厚前職

官軍再收復一公講米六城

先是洮西安撫使收復河南一公錯鑿富標形撤東迎講米六城皆河州所屬尋棄之至是再收復

案循化城舊名一公城在河州西一百二十五里舊屬河州西至生羌界一百里金屬積石州元廢講米城在河州西南一百里本番族所置宋再收復金陵

夏四月議城南宗嘗

王厚與童貫及諸將議曰南宗嘗在洮州之北距夏國卓羅右廂監軍司百里而近夏人交構諸羌易生邊患今若城之可以控制夏人